



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Quid sit lampada tradere.

[urn:nbn:de:hbz:466:1-68709](#)

stricti & coacti in grandinem, quæ abundat per Hiemem. Deinde nubes aquosæ, id est, Veris, quo tempore frequentes sunt pluviae. Addit, ruili tres ignis, hoc est, Aestatis. Et alitis Austri, hoc est, Autumni, quo ventorum crebra sunt flamina. Hæc Servius.

Celebrabantur olim in honorem Vulcani, certamina currentium cum accensis facibus, quæ dicebantur *Lampadophoria*. Erat horum certaminum consuetudo, ut currentes summo studio conarentur accensas faces ad metam usque deferre; at cui fax esset extincta, ille cum infamia cessabat à cursu. Siquis autem cum accensa face fuisse à sequente superatus currendo, lege certantium cogebatur sequenti lampadem accensam tradere, quam rem indicavit Lucretius, lib. 2. ita scribens:

Et quasi cursores vitæ lampada tradunt.

Ethica.

I. (a) Siquis rectè consideret, huic certamini simillima videbitur vita mortalium. Nam juxta adagium *lampada* dienatur tradere, qui decedentes, quasi successione, partes suas aliis in alium transferunt. Illustratur hoc ex proverbiis Salomonis c. 20. *Qui maledicit patri suo & matri, extinguetur lucerna ejus in mediis tenebris.* Est enim lucerna seu lampas Symbolum vitæ, famæ, nominis, gloriæ. In vitæ hujus stadio omnes decurrimus; faces, quas tenemus manibus, & alter alteri tradimus, sunt opes, honores, & spiritus, quem ducimus. Hunc censentur à parentibus accipere liberi, dum ipsis post Deum vitæ sunt auctores: & hi iterum abibunt è vivorum curriculo, & post se natos relinquent. Idem accedit in honorum & divitiarum catadromos; postquam perventum est ad votorum metam, jubet mors vasa colligere, & facem nominis illustris cum funebri tæda permutare. Succedunt in avitam vel gloriam, vel opulentiam heredes, & post aliquot annos in hoc vitæ studio decursos, committunt lampadem nepotibus. Et quia lucerna ac lux Symbolum est lætitia, prosperitatis, & felicitatis, juxta illud Jobi c. 18. *Quando splendebat lucerna ejus super caput meum, & ad lumen ejus ambulabam in tenebris,* id est, quando prospera utebar fortuna, quando copiosus eram, felix & fortunatus: Ideo lucerna maledici in parentes, extinguitur in tenebris, cum in impietatis pœnam Deus illi prosperitatem adimit, eamque commutat in calamitatem, & felicitatem in infelicitatem; dum scilicet efficit, ut omnia ei cadant infeliciter,

(a) *Quid sit lampada tradere.*

ac

ac in caput maledicu[m] resultent, quod patri suo insultare non est veri-
tum. In tenebris ergo, id est, per tenebras, cùm scilicet gravissimæ te-
nebræ eum obruent; id autem fit, tum in morte, quæ omnem clarita-
tem & felicitatem impiorum tollit; tum in tempore vitæ, quo divina
ultio, quæ per tenebras significatur, eum persequitur. Contrà de justo
dicitur; Orietur in tenebris lux tua, & tenebre tua erunt sicut meridies.
Isa. 58. Sed proprius ad Vulcanum. Censentur cum ardenti face spa-
tium vitæ decurrere, qui bonis artibus & morum honestate præditi,
transigunt vitam sine labe, & optima præludent exempla aliis. Turpi-
ter facem extingui sinunt, qui in vita nihil egerunt aliud, quâm ut di-
cerentur vixisse; vel qui initio curriculi, purâ, in teneriore ætate præ-
clara specimina dederant indolis, sed in procursu annorum hanc lam-
padem foedis extinxerunt vitiis. Geminas, ternâsque aut plures in cursu
accendunt faces, qui alios sapientia & virtute longissimè antecellunt.
Tradunt autem, decursò spatiò, lampadem aliis, qui post se relinquunt
discipulos, filios, heredes, iisdem artibus & vitæ probitate imbutos.
Et hoc dicebant veteres λαυπαδηνεῖ, lampadem ferre, quod fieri sole-
bat in Promethéis, in Vulcanis, & Panathenaicis (Minervæ institutis à
Theseo ludis, Latinè Quinquatriis) In his tribus ludis currentes facem
gestabant: de his Chiliares. Creditur Prometheus primus hoc ludorum
genus instituisse, hunc quidem ad modum: ut facem defatigatus pro-
ximo in manum daret; is autem defessus alii, ac deinceps alius alii,
Successione tradebant invicem (Historiæ, seu fabula Promethœ quasi
simulacrum repræsentantes) quasi ejus ferulam ventilantes, quâ cœlestem
ignem exceperat, ne rursus extingueretur, perpetuo motu illam jactan-
do. Itaque lampadem tradere dicetur, qui jam vel delassatus, vel eme-
ritus, in alios munus gerendum abs se transfert. Et invicem censentur
lampada tradere, qui, quod ait Terentius, tradunt operas mutuas, &
aliis alii vicissim suppetias ferunt. Hæc ille.

II. (b) Fabrorum omnium Præses est Vulcanus, quos graphicè depin-
git Siracides c. 38. *Faber*, inquit, ferrarius sedens juxta incudem, &
considerans opus ferri: vapor ignis urit carnes ejus, & in calore fornacis
concertatur. Vox mallei innovat aurem ejus, & contra similitudinem va-
sis oculus ejus. Cor suum dabit in consummationem operum, & vigiliâ sua
ornabit in perfectionem. Primo sedet juxta incudem, magister operis,
forcipibus tenens, versansque ferrum supra incudem, ut à ministris mal-
leo feriatur, & ad ejus libitum efformetur. Deinde considerat opus fer-
ri.

(b) Fabrorum labor.

Hhh. 3

